




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Emri i Biznesit: LUMNIJE BERISHA B.I.

Emri tregtar: N.SH. "FESTINA"

NUI: 811385948

Pronari: Lumnije BERISHA

OSHMA: RADIO FESTINA

Adresa: Rr/Driton Islami, p.n., Ferizaj

Emri i Biznesit: Glam Radio SH.P.K.

Emri tregtar: ///

NUI: 810862327


Personi i autorizuar: Gent EFENDIJA

OSHMA: Radio FESTINA

Adresa: Rr/ Enver Zymberi, Nr.5, Prishtinë

VENDIM

për ndryshimin e pronësisë dhe bartjen e licencës së Radio Festina, me seli në Komunën e Ferizaji



Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Radio Festina është Ofrues të Shërbimeve Mediale Audio me mbulim lokal, i licencuar nga Komisioni i Pavarur i Mediave për transmetim tokësorë të radio programeve, në gjuhën shqipe dhe me seli në komunën e Ferizajit. KPM me datën 19 shtator 2016, ka marrë vendim për ripërtitjen e licencës së Radio Festina edhe për një afatë prej shtatë (7) vitesh.
3. Më datën 23 mars 2021, pronarja e Radio Festina ka dorëzuar në zyrën e KPM-së një kërkesë, përmes së cilës ka kërkuar miratim për ndryshimin e pronësisë dhe bartjen e licencës nga biznesi individual Lumnije Berisha B.I., me Numër Unik Identifikues 811385948 (me emër tregtar N.SH. "FESTINA") me pronaren znj. Lumnije Berisha te biznesi Glam Radio SH.P.K. me Numër Unik Identifikues (NUI) 810862327 me bashkëpronarët: z. Ardian Hoxha, z. Arsim Limani, z. Fisnik Deçani dhe z. Gent Efendia.

Arsyetim

4. Neni 21, paragrafi 3 i Ligjit të KPM-së përcakton se: "licencat nuk mundë të shfrytëzohen dhe bartën pa autorizim dhe pa aprovim paraprakë me shkrim të KPM-së".
5. Neni 15. pika 2. Paragrafi 1 i Kushteve dhe termeve të Përgjithshme të Licencës së KPM-së ka siguruar që: "Për çdo ndryshim në pronësi që kap më shumë se 10% të aksioneve të


interesave ose ato që kanë ndikim të theksuar në kontrollin e të Licencuarit, kërkohet paraprakisht aprovimi me shkrim nga ana e KPM-së"

6. Neni 15.4 i Kushteve dhe termeve të Përgjithshme të Licencës së KPM-së ka siguruar që:
"KPM-ja do të lejojë transferimin e licencës vetëm kur sigurohet që personi fizik apo juridik, për të cilin propozohet që t'i transferohet licenca, i plotëson standardet e KPM-së për t'iu dhënë një licencë."
7. Me anë të kërkesës për ndryshimin e pronësisë së Radio Festina, pronarja aktuale ka deklaruar se arsye për këtë ndryshim janë çështjet financiare.
8. Komisioni konstaton se, kandidati i propozuar për pronar të ri të Radio Festina ka shprehur gatishmëri që, ofrimin e shërbimeve mediale audio për publikun do të bëjë në pajtueshmëri me Ligjin dhe aktet nënligjore të KPM-së. Gjithashtu, Komisioni konstaton se kandidati për pronar të ri të Radio Festina ka përvojë në themelimin dhe menagjimin e radios pasiqë është pronarë edhe i një radio stacioni tjetër me kategori regjionale, e cila radio operonë në një regjion tjetër.
9. Komisioni konstaton se, kandidati i propozuar për pronar të ri përmes një plani të biznesit lidhur me të hyrat, shpenzimet dhe profitin, ka paraparë investime në teknologjinë e transmetimit të Radio Festina, angazhimin e stafit profesional dhe ofrimin e programeve më cilësore, ndërsa sa i përket qëndrueshmërisë financiare, kandidati për pronar ka bashkangjitur edhe dëshmi nga institucionet financiare si dhe deklarata për përkrahje financiare nga disa prej bashkëpronarëve të cilët zotrojnë edhe biznesa tjera.
10. Komisioni konstaton se Radio Festina ka shlyer të gjitha obligimet financiare ndaj KPM-së.
11. Duke u bazuar në gatishmërinë e shprehur të kandidatit për pronar të ri për të punuar në pajtim me Ligjin dhe aktet nënligjore të KPM-së, dëshmitë rreth qëndrueshmërisë financiare, zotimet për angazhimin e stafit profesional si dhe përvojën e në themelimin dhe menagjimin e radios të kandidatit, Komisioni vlerëson se ndryshimi i pronësisë së Radio Festina është në interes të publikut.
12. Komisioni vlerëson se, kërkesa është bërë në pajtim me procedurat e KPM-së, të bazuara në Ligjin dhe aktet nënligjore të KPM-së dhe si e tillë i plotëson kriteret për miratim.

Vendim

13. Komisioni në takimin e tij të mbajtur më datën 29 korrik 2021, merr vendim për miratimin e kërkesës për për ndryshimin e pronësisë dhe bartjen e licencës nga biznesi individual Lumnije Berisha B.I., me Numër Unik Identifikues 811385948 (me emër tregtar N.SH. "FESTINA") me pronaren znj. Lumnije Berisha te biznesi Glam Radio SH.P.K. me Numër Unik Identifikues (NUI) 810862327 me bashkëpronarët: z. Ardian Hoxha, z. Arsim Limani, z. Fisnik Deçani dhe z. Gent Efendia.
14. Përveç ndryshimit të pronësisë dhe bartjes së licencës të Radio Festina nuk do të ketë ndryshime në pjesët tjera të Licencës, si Pjesës II – Parametrave Teknik, III – Formatit të Programit dhe IV – Zonës së Mbulimit.

15. Këtë vendim e lëshon Komisioni, dhe i njëjti hyn në fuqi nga data e nënshkrimit.


Xhevat LATIFI

Kryetar

Komisioni i Pavarur i Mediave



29.07.2021

datë